



Broj: 02-11-1964/22-AP-13

Datum: 15.09.2022. godine

Na osnovu člana 100. stav 3. Zakona o javnim nabavkama („Službeni glasnik BiH“, broj: 39/14), člana 30. stav 3. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovići“, broj: 1/2022) i člana 12. Privremene statutarne Odluke Grada Zavidovići («Službeni glasnik općine Zavidovići», broj: 4 /22) u predmetu dodjele ugovora o javnoj nabavci radova “Radovi na izgradnji dječijeg igrališta u MZ Rujnica, u fazi projekta Jačanje uloge mjesnih zajednica u BiH“, rješavajući po žalbi OBRT-a „MET-B“ vl. Buljubašić Almira iz Kovači, Zavidovići od 09.09.2022. godine zaprimljena od strane Grada Zavidovići dana, 12.09.2022. godine, Gradonačelnik donosi

R J E Š E N J E

1. Usvaja se žalba žaljitelja OBRT-a „MET-B“ vl. Buljubašić Almira iz Kovača, Zavidovići, od 09.09.2022. godine, izjavljena na Odluku o izboru najpovoljnijeg ponuđača broj: 02-11-1964/22-AP-9 od 06.09.2022. godine.
2. Stavlja se van snage Odluka o izboru najpovoljnijeg ponuđača broj: 02-11-1964/22-AP-9 od 06.09.2022. godine i Zapisnik o ocijeni ponuda broj 02-11-1964/22-AP-9 od 01.09.2022. godine.
3. Ovo Rješenje se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama i objavit će se na web stranici ugovornog organa
4. OBRT-a „MET-B“ vl. Buljubašić Almira iz Kovača, Zavidovići ne priznaju se troškovi u iznosu od 500,00 KM.

O b r a z l o ž e n j e

Odlukom Gradonačelnika, broj 02-11-1964/22-AP-2 od 13.07.2022. godine pokrenut je postupak dodjele ugovora za javnu nabavku radova „Radovi na izgradnji dječijeg igrališta u MZ Rujnica“ u II fazi projekta „Jačanje uloge mjesnih zajednica u BiH“, putem konkurentskog zahtjeva za dostavu ponuda u skladu sa članom 88. Zakona o javnim nabavkama („Službeni glasnik BiH“, broj: 39/14).

Na osnovu pomenute odluke dana, 13.07.2022. godine Grad Zavidovići uputio je Obavještenje o nabavci radova „Radovi na izgradnji dječijeg igrališta u MZ Rujnica“ u II fazi projekta „Jačanje uloge mjesnih zajednica u BiH“, broj 1374-7-3-136-3-85/21 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda 08.08.2022. godine do 12,00 sati, dostavljeno je 5 (pet) ponuda, i to slijedećih ponuđača:

1. Obrt „Meta-B“ Zavidovići
2. „Ikan“ d.o.o. Zavidovići
3. „Flex invest“ d.o.o. Sarajevo
4. „Porobić“ d.o.o. Zavidovići
5. Obrt „Drvodjeljarstvo Hasić“ Zavidovići

Nakon utvrđivanja sadržaja svih podnesenih ponuda, Komisija je utvrdila da su ponude ponuđača: „Porobić“ d.o.o. Zavidovići, „Ikan“ d.o.o. Zavidovići i „Flex invest“ d.o.o. Sarajevo formalno ispravne i tehnički zadovoljavajuće, jer sadrže sve priloge tražene kao u sadržaju navedenom u tenderskoj dokumentaciji predmetne javne nabavke.

Ponuda ponuđača Obrt „Meta-B“ je formalno neispravna i tehnički nezadovoljavajuća jer ne ispunjava sve uslove, shodno članu 68. stav (4), tačka g) Zakona o javnim nabavkama, te se kao takva odbacuje. Komisija za javne nabavke pristupila je ocjenjivanju pristiglih ponuda a prilikom provjere računске ispravnosti ponude dostavljene od strane ponuđača Obrt „Meta-B“ Zavidovići utvrdila je da postoji greška u Obrascu za cijenu ponude. Navedena računska greška prouzrokovala je i grešku kod računanja ukupne cijene bez PDV-a, iznos PDV-a, te ukupne cijene sa uračunatim PDV-om u Obrascu za cijenu ponude i nacrtu ugovora. Komisija za javne nabavke svojim aktom, broj: 02-11-1964/22-AP-9 od 15.08.2022. godine uputila je zahtjev ponuđaču Obrt „Meta-B“ Zavidovići da se očituje da li prihvata ili ne prihvata ispravku računске greške. Ponuđač u ostavljenom roku nije dostavio izjašnjenje, a u skladu s članom 68., stav (4), tačka g) Zakona o javnim nabavkama Ugovorni organ će odbaciti ponudu kada ponuđač nije pisanim putem prihvatio ispravku računске greške.

Ponuda Obrta „Drvodjeljarstvo Hasić“ Zavidovići je formalno neispravna i tehnički nezadovoljavajuća jer ne sadrži sve priloge tražene Tenderskom dokumentacijom, broj: 02-11-1964/22-AP-3 od 13.07.2022. godine. Ponuđač nije dostavio potpisanu i ovjerenu Izjavu ponuđača koja je sastavni dio Obrasca za ponudu (Anex 2), nadalje ponuđač nije dostavio dokaze o ispunjenosti uslova tehničke i profesionalne sposobnosti, kako je traženo tačkom 5.4.2. TD (spisak izvršenih ugovora i potvrde o izvedenim radovima).

Obzirom da su 3 (tri) ponude za dodjelu ugovora za javnu nabavku radova „Radovi na izgradnji dječijeg igrališta u MZ Rujnica“ u II fazi projekta „Jačanje uloge mjesnih zajednica u BiH“, formalno ispravne i tehnički zadovoljavajuće Komisija za javne nabavke predložila je zakazivanje e-aukcije.

Nakon postupka e-aukcije, koji je proveden dana, 31.08.2022. godine, a na osnovu Izveštaja o toku i završetku e-aukcije broj 1374-7-3-136/22, Komisija za javne nabavke za provođenje postupaka javnih nabavki roba, usluga i radova Grada Zavidovići dostavila je Zapisnik o ocjeni ponuda, broj: 02-11-1964/22-AP-9 od 01.09.2022. godine sa preporukom o izboru najpovoljnijeg ponuđača „Ikan“ d.o.o. Zavidovići, u postupku javne nabavke radova „Radovi na izgradnji dječijeg igrališta u MZ Rujnica“ u II fazi projekta „Jačanje uloge mjesnih zajednica u BiH“, na osnovu čega je nakon provedenog postupka ugovorni organ donio Odluku o izboru najpovoljnijeg ponuđača broj: 02-11-1964/22-AP-9 od 06.09.2022. godine.

Na Odluku o izboru najpovoljnijeg ponuđača broj: 02-11-1964/22-AP-9 od 06.09.2022. godine, dana, 12.09.2021. godine zaprimljena je žalba OBRT-a „MET-B“ vl. Buljubašić Almira iz Kovača, Zavidovići od 09.09.2022. godine.

U žalbi žalitelj ističe: „Da je dana, 15.08.2022. godine putem telefonskog poziva zaprimio obavijest o računskoj grešci i putem e-mail dostavio saglasnost za ispravku računске greške na e-mail, koji je dobio od službenika za dostavu. Dalje se navodi da je Odlukom ponuda Žalioca odbačena kao formalno neispravna i tehnički nezadovoljavajuća, odnosno da je ponuda odbačena iz razloga što nije odgovorio na zahtjev Komisije za korekcijom cijene u ostavljenom roku. Da se Komisija navodno obratila Žalocu aktom broj: 02-11-1964/22-AP-9 od 15.08.2022. godine sa zahtjevom da prihvati ispravku računarske greške u roku od 3 dana od dana dostavljanja, u kojoj nije navedeno na koji način je isti zahtjev upućen (poštom ili elektronski), niti kad ga je Žalilac zaprimio, te smatra da je Ugovorni organ prekršio odredbu iz člana 70. stav 4. Zakona koji propisuje da je odluka o izboru sadrži detaljno obrazloženje poništenja. U završnom dijelu obrazloženja žalbe, žalitelj navodi da se izvrši povrat uplaćene naknade za pokretanje žalbenog postupka, u iznosu od 500,00 KM.“

Žalba je osnovana.

Razmatrajući žalbu žaljitelja OBRT-a „MET-B“ vl. Buljubašić Almira iz Kovača, Zavidovići od 09.09.2022. godine, izjavljena na Odluku o izboru najpovoljnijeg ponuđača broj: 02-11-1964/22-AP-9 od 06.09.2022. godine, u okviru zahtjeva postavljenih u žalbi i druge dokaze u spisu, prvostepni organ je odlučio kao u dispozitivu rješenja u skladu sa odredbama 100. stav 3. Zakona o javnim nabavkama („Službeni glasnik BiH“, broj: 39/14) iz sljedećih razloga:

Prema navedenom činjeničnom i pravnom stanju stvari, u žalbenom postupku je utvrđeno da žalbu žaljitelja OBRT-a „MET-B“ vl. Buljubašić Almira iz Kovača, Zavidovići od 09.09.2022. godine treba usvojiti, staviti van snage Odluka o izboru najpovoljnijeg ponuđača broj: 02-11-1964/22-AP-9 od 06.09.2022. godine i Zapisnik o ocijeni ponuda broj 02-11-1964/22-AP-9 od 01.09.2022. godine, te vratiti Komisiji na ponovno ocjenjivanje.

Ugovorni organ će nakon ponovnog ocjenjivanja od strane Komisije zatražiti od Agencije za javne nabavke Bosne i Hercegovine da se e-aukcija održana dana, 31.08.2022. godine pod brojem 1374-7-3-136/22, poništi, te da se zakaže ponovna e-aukcija na kojoj će učestvovati svi čije ponude vudu formalno ispravne i tehnički zadovoljavajuća.

Ugovorni organ je po zaprimljenoj žalbu izvršio provjeru u skladu sa članom 30. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovići“, broj: 1/2022) kojim je traženo izjašnjenje na žalbene navode žaljitelja od Komisije za javne nabavke.

Komisija za javne nabavke je dostavila izjašnjenje broj: 02-11-1964/22-AP-10 od 14.09.2022. godine sa prijedlogom za usvojanje žalbi i da je žalitelj postupio po zahtjevu Ugovornog organa, da su osnovani navodi žalitelja, odnosno da je dao saglasnost za ispravku računске greške, što se utvrdilo naknadno.

Također je utvrđeno da se žaljitelju OBRT-a „MET-B“ vl. Buljubašić Almira iz Kovača, Zavidovići, ne mogu priznati troškovi u iznosu od 500,00 KM, jer nisu ni prouzrokovani stvarni troškovi u smislu člana 108. Zakona o javnim nabavkama, pa je u pogledu primjene zakona, a u skladu sa odredbama člana 100. stav 3. Zakona o javnim nabavkama („Službeni glasnik BiH“, broj: 39/14) Ugovorni organ usvojio žalbu žalitelja na način naveden u dispozitivu rješenja.

Protiv ovog rješenja može se izjaviti žalba u roku od 5 (pet) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. OBRT „META-B“
2. Učesnici u postupku
3. U spis

GRADONAČELNIK

doc.dr. Hašim Mujanović



Obradio:
(Sanela Mulahasanović)

Kontrolisao:
(Nermin Čantarević)